

# La inteligjence artificiâl e impare il furlan

In ocasion dal Forum su la IA in program a Tavagnà, i participants a podaran “prestâ” la lôr vôs par disvilupâ la sintesi vocâl in lenghe furlane

Contribuî cu la proprie vôs par “alenâ” il software che un doman al puartarà a vê un sisteme di sintesi vocâl pal furlan, ven a stâi la fonde di ogni “assistent vocâl” tant che Alexa, Siri, e v.i. Al è chel che si fasarà tal Forum pe inteligjence artificiâl inmaneât de DITEDI e dal Comun di Tavagnà dai 18 ai 20 di Otubar, là che la ARLeF e invidarà ducj i participants a regjistrâ un audio curt. Par adestrâ il model pal furlan, come che al sucêt par ogni altre lenghe, al è di fat fundamentâl cjapâ sù un grant numar di regjistracions che a vedin ancje une buine varietât di tonalitâts e di pronunziis.

Di un an incà la ARLeF - Agenzie regjonâl pe lenghe furlane e DITEDI, il Distret des Tecnologiis Digjitâls, a son daûr a lavorâ par fâ sù un prototip di ricognossiment vocâl (STT speech-to-text) e di sintesi vocâl (TTS text-to-speech) pe lenghe furlane doprant lis tecnologiis plui avanzadis tal setôr de inteligjence artificiâl gjenerative.

Al è un progjet une vore impuartant, previodût de Regjon Friûl-Vignesie Julie midiant dal “Plan gjenerâl di politiche linguistiche pe lenghe furlane 2021-2025”.

Chei che a parteciparan tal Forum a saran invidâts a lei un test curt che al sarà regjistrât in automatic e cjamât intun software fat di pueste. L’obietîf al è chel di “alenâ e perfezionâ la machine” tal cognossi lis variantis de lenghe furlane: la partecipazion di personis di dut il teritori di lenghe furlane e judarà duncje a cjapâ sù materiâl audio util par chest progjet, fat che al marche il rûl de IA intal promovi lis lenghis minoritariis e intal preservâ il patrimoni linguistic.

La postazion e sarà metude impins te anticjamare dal Teatri di Tavagnà, che al sarà la sede dal Forum. Lis regjistracions si cjararan sù in forme anonime e a bastaran pôcs minûts par contribuî al progjet, inte suaze di un event che al sarà pardabon impuartant pal dibatit su la IA, e là che a parteciparan personaçs impuartants dal mont scientific, tecnologic e academic.

Fin a cualchi an indaûr e jere calcolade une tecnologiie par pôcs, e cun risultâts audio masse artificiâi. Vuê, la sintesi vocâl e à tocjât nivei gnûfs di precision e di cualitât e si dopre in tancj setôrs de vite di ogni dì: dai avîs intes stazions dai mieçs publics ai assistents personâi, dal controlâ i dispositîfs personâi al supuart aes personis cun disabilitâts. Cun di plui, cun chestis tecnologiis si podaran insiorâ i dizionaris online cu la part audio par une pronunzie corete dai contignûts, slargjant la acessibilitât e la

## INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche / e-mail: [arlef@caltpr.it](mailto:arlef@caltpr.it)

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<

esperience dal utent. Ce che al è in program a Tavagnà al è duncje un altri pas intal percors che al menarà la lenghe furlane a jessi doprade in tancj contescj gnûfs.

Udin, ai 15 di Otubar dal 2024

**INFORMAZIONS PE STAMPE - INFORMAZIONI PER LA STAMPA**

**Ufficio Stampa ARLeF** CALT relazioni pubbliche / **e-mail: arlef@caltpr.it**

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<